

歲時廣記
一



歲時廣記

(一)

陳元靚編

本館叢書集成初編所選學
海類編及十萬卷樓叢書皆
收有此書學海本僅有前四
卷故據十萬卷樓本排印

歲時廣記序

有天之時。有人之時。寒暑之推遷。此時之運於天者也。歷書所載。蓋莫詳焉。至於因某日而載某事。此時之係於人者。端千緒萬。非託之紀述。則莫能探其源委耳。噫。慶道長於一陽之生。謹履端於一歲之始。是蓋天事。人事之相參。尤有可據。彼仲夏之重五。季秋之重九。豈天之烝候然也。而人實爲之。使徵考訂。孰知競渡之繇。楚靈均登高之因。費長房乎。引類而伸。若此者衆。雖然。荆楚歲時之記善矣。惜乎失之拘也。秦唐歲時之所記多矣。惜乎未之備也。今南潁陳君。蒐獵經傳。以至野史異書。凡有涉於節序者。萃爲巨帙。殆靡一遺。仰以稽諸天時。俯以驗之人事。題其篇端曰歲時廣記。求予文而序之。予惟陳君嘗編博聞三錄。盛行於世。況此書該而不冗。雅而不俚。自當與並傳於無窮云。

宣教郎特差知無爲軍巢縣事兼理武民兵軍正總轄屯戍兵馬借緋新安朱鑑撰。

歲時廣記序

有天之時。有人之時。寒暑之推遷。此時之運於天者也。歷書所載。蓋莫詳焉。至於因某日而載某事。此時之係於人者。端千緒萬。非託之紀述。則莫能探其源委耳。噫。慶道長於一陽之生。謹履端於一歲之始。是蓋天事。人事之相參。尤有可據。彼仲夏之重五。季秋之重九。豈天之烝候然也。而人實爲之。使徵考訂。孰知競渡之繇。楚靈均登高之因。費長房乎。引類而伸。若此者衆。雖然。荆楚歲時之記。善矣。惜乎失之拘也。秦唐歲時之所記多矣。惜乎未之備也。今南潁陳君。蒐獵經傳。以至野史異書。凡有涉於節序者。萃爲巨帙。殆靡一遺。仰以稽諸天時。俯以驗之人事。題其篇端曰歲時廣記。求予文而序之。予惟陳君嘗編博聞三錄。盛行於世。況此書該而不冗。雅而不俚。自當與並傳於無窮云。

宣教郎特差知無爲軍巢縣事兼理武民兵軍正總轄屯戍兵馬借緋新安朱鑑撰。

重刊足本歲時廣記序

歲時廣記四十二卷。題廣寒仙裔陳元觀編。前有宣教郎特差知無爲軍巢縣事兼理武民兵軍正總轄屯戍兵馬借緋朱鑑序。文林郎新和劑局監門劉純序。讀書敏求記所箸錄。祇前四卷。四庫箸錄本同。此從天一閣藏抄本傳錄。尙是全書。惜缺第六卷耳。廣寒先生姓陳氏。不知其名。福建崇安人。陳希夷弟子。後尸解。墓在建陽縣三桂里水東源。崇安有仙亭峯。白塔仙洞。皆以廣寒得名。子遜。紹聖四年進士。官至侍郎。嘗構亭于墓所。名曰望考。後朱子嘗居其地。故學者又稱曰考亭先生。元觀蓋遜之裔也。朱鑑字子明。朱子長子塾之子。少穎敏。讀書一目數行。朱子鍾愛。異於諸孫。以蔭補廸功郎。官至戶部郎中。湖廣總領。寶祐六年卒。年六十九。見福建通志。其爲巢縣。則通志失載。可補其缺。純字君錫。崇安人。以父蔭授沙縣主簿。調袁州分宜縣丞。尋入監和劑局。紹定中。閩寇晏頭陀等嘯聚汀郡。連犯南劍。建寧。純調湖北帳幹。聞賊迫近鄰里。辭歸。散家財。招義勇討之。邵武守王遂請于朝。以純知邵武縣。討賊被執。不屈。死之。謚義壯。亦見福建通志。則元觀亦理宗時人也。所箸尙有博聞錄。事林廣記。廣記余有永樂刊本。博聞錄見絳雲樓書目。今不傳。惟見于此書所引而已。

誥授榮祿大夫二品頂戴前分巡廣東高廉兵備道陸心源敘。

歲時廣記目錄

首卷

圖說

月令主屬大全
月盈虧十幹歲陽春季氣數悉備
月推移經星昏明迭見歲名十幹夏季氣數悉備
日交會陰陽消長律管淺深候氣隨呂損益相生
冬
日永短悉備

卷第一 春

卷第二 夏

卷第三 秋

卷第四 冬

卷第五 元旦上

卷第六 元旦中原缺

卷第七 元旦下

卷第八 立春

卷第九 人日

卷第十 上元上

卷第十一 上元中

卷第十二 上元下

卷第十三 正月晦 中和節

卷第十四 二社日

卷第十五 寒食上

卷第十六 寒食下

卷第十七 清明

卷第十八 上巳上

卷第十九 上巳下

卷第二十 佛日

卷第二十一 端五上

卷第二十二 端五中

卷第二十三 端五下

卷第二十四 朝節 天貺節

卷第二十五 三伏節 立秋

卷第二十六 七夕上

卷第二十七 七夕中

卷第二十八 七夕下

卷第二十九 中元上

卷第三十 中元下

卷第三十一 中秋上

卷第三十二 中秋中

卷第三十三 中秋下

卷第三十四 重九上

卷第三十五 重九中

卷第三十六 重九下

卷第三十七 小春 下元

卷第三十八 冬至

卷第三十九 臘日 交年節

卷第四十 歲除


末卷 總載

歲時廣記首卷

宋 陳元觀編

圖說

月令主屬大全圖



禮記月令注云仲春之月盛德在木故所主皆木屬也仲夏之月盛德在火故所主皆火屬也仲秋之月盛德在金故所主皆金屬也仲冬之月盛德在水故所主皆水屬也惟土居中央而分旺四時故所主皆土屬也



梁元帝纂要

春曰青陽氣清而溫亦曰發生芳

春、青春、陽春、三春、九春、天曰蒼

天萬物蒼蒼而生風曰陽風、春風、暄風、

柔風、惠風、景曰媚景、和景、韶景、

時曰良時、嘉時、芳時、辰曰良辰、


嘉辰、芳辰、節曰嘉節、韶節、淑節、

草曰芳草、弱草、芳卉、木曰華木、

華樹、芳樹、陽樹、林曰茂林、芳林、

鳥曰陽鳥、時鳥、候鳥、好鳥、禽曰


陽禽、時禽、好禽、



夏曰朱明。氣赤而光明。亦曰長贏。朱
夏、炎夏、三夏、九夏。天曰昊天。言
汗、風曰炎風。節曰炎節。草曰茂
草、雜草。木曰蔚林、茂林、密樹、茂
樹。



秋曰白藏。氣白而藏。亦曰收成。
萬物成而相收歛。而三秋、九秋、素秋、素商、
高商。天曰旻。旻，感也。感萬物之彫零。風曰商風。素風、淒風、高風、涼風、悲風、激風、清風。景曰朗景、澄景、清景、時曰淒辰、霜辰。節曰素節、嘉節。草曰衰草。木曰疎木、衰林、霜柯。




冬曰玄英、氣黑而清英、三冬、九冬、天
 曰上天、言時無事、風曰寒風、勁
 風、嚴風、厲風、哀風、陰風、景曰冬
 景、寒景、時曰寒辰、節曰嚴節、鳥
 曰寒鳥、寒禽、草曰寒卉、黃草、木
 曰寒木、寒柯、素木、寒條、



爾雅疏釋曰。此別太陽在日在辰之名也。甲至癸爲十日。日爲陽。寅至丑爲十二辰。辰爲陰。漢書律歷志乃以前歷上元泰初四千六百一十七歲。至元封七年。復得闕逢攝提格之歲中冬。孟康曰。言復得者。上元泰初時亦是闕逢之歲。歲在甲曰闕逢。在寅曰攝提格。此謂甲寅之歲也。然則乙卯之歲曰旃蒙單閼。



丙辰之歲曰柔兆執徐。丁巳之歲曰疆圉大荒落。戊午之歲曰著雍敦牂。己未之歲曰屠維協洽。庚申之歲曰上章涖灘。辛酉之歲曰重光作噩。壬戌之歲曰元默闋茂。癸亥之歲曰昭陽大淵獻。甲子之歲曰闕逢困敦。乙丑之歲曰旃蒙赤奮若。推此周而復始可知也。



爾雅疏釋此乃辨以日配月之名設若正月得甲曰畢陬二月得乙曰橘如三月得丙曰修病四月得丁曰圉余五月得戊曰厲臯六月得己曰則且七月得庚曰室相八月得辛曰塞壯九月得壬曰終亥十月得癸曰極陽十一月得甲曰畢辜十二月得乙曰橘涂周而復始抑又可

知也